

KOM PAUB TXOG KOJ COV CAI THAUM KOJ RAUG MUAJ FEEM NROG RAU TSEEM FWV TSWJ KEV TSIV TEB TSAWS CHAW(IMMIGRATION) / ICE

Chaw muaj kev pab: Mai N. Moua Law Office

Nyob rau tom tsev...

Yog muaj tub ceev xwm tuaj nram tsev ceev xwm los yog tseem fwv tuav kev tsiv teb tsaws chaw (immigration) tuaj txog rau ntawm koj tsev, lawv yuav tsum tau muab ib daim ntawv tso cai (seb yog rau ntes los ntawm ICE los yog tshawb koj lub tsev los ntawm ib lub tuam tsev hais plaub ntug). Hais kom tus neeg ntawv qhia kom tau tias nws yog leej twg, tuaj lub koom haum twg tuaj, thiab kom nws muab tsab ntawv tso cai ntawd cev hauv qab taw qhov rooj los rau koj. Yog koj cia li qhib qhov rooj rau lawm, nws txhais tau tias koj yeej txaus siab thiab tso cai rau lawv nkag los rau koj lub tsev lawm.

Daim ntawv tso cai no yuav tsum tau kos npe pom zoo los ntawm ib tug nai xam los yog ib lub koom haum tuav dej num tseem fwv(government agency). Daim ntawv tso cai no yuav tsum kom muaj tus neeg ua lawv tuaj nrhiav no nws lub npe thiab/los yog qhov/cov chaw uas lawv yuav tau tshawb. Yog tub ceev xwm los yog tseem fwv tswj kev tsiv teb tsaws chaw(immigration) **tsis muaj** daim ntawv tso cai, koj muaj cai hais kom nws tawm mus. Yog tub ceev xwm los yog tseem fwv tswj kev tsiv teb tsaws chaw(immigration) **yeej muaj** daim ntawv tso cai lawm, ua twb zoo nyeem daim ntawv tso cai no kom meej thiaj li yuav paub tias tus neeg lawv nrhiav no yog leej twg thiab lawv tsuas tshawb tau thaj chaw twg xwb.

Txhua tus neeg nyob rau ntawm thaj chaw no yeej muaj cai nyob ntsiag to.

Nyob rau tom koj chaw ua haujlwm...

Tub ceev xwm los yog tub ceev xwm tsiv teb tsaws chaw(immigration) yuav tuaj tau rau hauv koj lub chaw ua haujlwm nrog rau nws daim ntawv tso cai

los ntawm lub tuam tsev hais plaub los yog los ntawm koj tus tuam thawj ua haujlwm. Nyob twj ywm tsis txhob sim khiav vim nws yuav qhia tau tias tej zaum koj yeej muaj dab tsi zais tiag. Qhia koj tus kheej rau tus tub ceev xwm yog thaum nws nug koj. Tsis txhob qhia lus cuav los yog npe cuav. Txawm li ntawd lo, nyob ntsiag to thiab tsis txhob teb ib lo lus nug twg ntxiv li lawm.

Yog koj raug ntes kaw lawm...

- Tsis txhob teb ib lo lus twg los ntawm tus tub ceev xwm
- Tsis txhob kos npe rau ib daim ntawv twg ua ntej tau kev sablaj nrog ib tug kws lijchoj tso
- Nco ntsoov hais kom muab koj li ntaub ntawv keeb kwm tsiv teb raws chaw (immigration) rau koj
- Hu rau koj tsev neeg ib leeg twg kom lawv paub tias koj raug ntes kaw lawm thiab qhia koj lub npe, lwm lub npe uas koj tau siv, hnub yug, thiab koj tus A# nab npawb (immigration registration number).

RAU TSEV NEEG CUAM TSUAM NYOB RAMSEY COUNTY

Thaum ib tug neeg twg raug ntes kaw lawm thiab plam nyiaj txiag nws mus khwv tsis tau lawm, feem ntau ntawm cov tsev neeg no yuav tsim nyog tau txais hom kev pab rau zaub mov (Supplemental Nutrition Assistance Program (SNAP) los yog ntau ntawv kho mob (Medical Assistance) (MA).

Yuav mus thov kev pabcuam, mus saib rau applymn.dhs.gov.

Ib tug neeg twg thiab nws cov neeg hauv nws tsev neeg twg ntxim li tau raug kev nyuab siab ntxhov siab vim ntxim li yuav raug ntes kaw los yog twb raug ntes kaw kiag lawm.

Kom paub ntxiv txog kev pab cuam rau kev nyu-aj siab ntxhov siab muaj nyob rau hauv Ramsey County, mus saib rau ramseycounty.us/residents/health-medical/clinics-services/mental-health.

**Taij kom muab koj li ntaub ntawv
keeb kwm kev tsiv teb tsaws chaw
(immigration) thiab kev tau raug
plaub rau koj tau li cas thiab kom
paub koj cov cai thaum tau muaj
feem nrog rau ICE**



SAU LOS NTAWM



TXHAWB NQA LOS NTAWM



Cov lus qhia nyob rau daim ntawv no yog rau qhia xwb, tsis txhob ntseeg tias yog txoj cai. Yog koj muaj lus noog txog cov lus qhia, thov koj tham nrog ib tug kws lij choj. Ramsey County tsis lees paub yog koj siv cov lus qhia rau koj cov teeb meem.



SIB COV KEV PABCUAM

Qhov kev qhia no tsuas yog qhia kom paub txog xwb thiab yuav tsis yog ib yam kev sablaj txog ntawm txoj cai lijchoj. Yog koj raug kev phom sij yuav rov qab raug ntes kaw thiab raug xa rov qab, hu tau rau ReleaseMN8, Asian Americans Advancing Justice-Asian Law Caucus, los yog ib tug kws lijchoj hais plaub ntawm kev tsiv teb tsaws chaw (immigration).

HAIS TXOG RELEASEMN8

ReleaseMN8 yog ib qho kev sib koom los ntawm feem ntau yog cov koom haum muaj keeb kwm los ntawm cov neeg Asian American, uas lawv yog cov tau raug rau kev tsis ncaj ncees los ntawm tseem fww tswj kev tsim teb tsaws chaw(immigration) cov cai. Peb ntseeg tias cov uas tau raug kiag rau lawm yog cov yuav tsum muaj zog, muaj suab, thiab yog cov yuav los tsim kom muaj kev hloov tau.

ReleaseMN8 lub hom phiaj yog los tsim kom muaj kev sib koom thiab tsim tsa kom muaj kev hloov ntawm kam noj kev haus thiab kev coj teb coj chaw rau cov tsev neeg Southeast Asian uas tau raug ntes kaw thiab xa rov qab.

Hu rau peb

-  releasemn8.org
-  montha@releasemn8.org
-  [releasemn8](https://facebook.com/releasemn8)
-  [releasemn8](https://instagram.com/releasemn8)

TAIJ KOM MUAB KOJ LI NTAUB NTAWV KEEB KWM KEV TSIV TEB TSAWS CHAW (IMMIGRATION) THIAB KEV TAU RAUG PLAUB

Lub hauv paus: Asian Americans Advancing Justice

Kev qhia rau cov neeg tsiv teb tsaws chaws (immigrants) uas raug kom muab xa rov qab

Ib txhia neeg tsiv teb tsaws chaw(immigrants) muaj cai ua tsab ntawv “hais kom rov muab qhib” “motion to reopen” rau lawv rooj plaub. Yog lawv lees kam muab koj tsab ntawv hais kom rov muab qhib no lawm, ces koj yuav tsis raug xa rov qab. Nws yog ib tug txheej txheem ntawm txoj cai lijchoj cov nyom kawg nkaus thiab qhov zoo tshaj plaws koj yuav tau ua haujlwm nrog rau ib tug kws lijchoj txog kev tsiv teb tsaws chaw(immigration). Tus kws lijchoj yuav tsum tau muab koj li ntaub ntawv keeb kwm txog kev tsiv teb tsaws chaw thiab kev tau raug plaub xyuas kom meej thiaj li yuav paub muab kev sablaj nrog rau koj seb koj rooj plaub no puas yuam rov qab qhib tau. Thawj kauj ruam koj yuav ua tau, txawm hais tias koj tseem tsis tau muaj ib tug kws lijchoj los, koj taij koj li ntaub ntawv keeb kwm tsiv teb tsaws chaw (immigration) thiab kev tau raug plaub rau koj.

Taij kom muab koj li ntaub ntawv keeb kwm tsiv teb tsaws chaw (immigration)

Koj muaj cai taij koj li ntaub ntawv tom tseem fww tsiv teb tsaws chaw(immigration) raws txoj cai “Freedom of Information Act”(FOIA). FOIA yog ib txoj cai hais tias koj muaj cai kom tseem fww muab koj li ntaub ntawv keeb kwm rau koj. Nws yuav tsis muaj kev phom shij thiab tsis raug nqi rau koj them txog kev taij koj li ntaub ntawv keeb kwm li no.

Taij kom muab koj li ntaub ntawv keeb kwm kev tau raug plaub

Koj muaj cai taij koj li ntaub ntawv keeb kwm los ntawv lub tuam tsev hais plaub uas koj tau raug txim. Yog koj tau raug txim nyob rau ntau tshaj ib lub nroog los yog ib lub taum tsev hais plaub, koj yuav tsum tau taij mus rau ntawm txhua lub tuam tsev hais plaub. Mus saib rau hauv tuam tsev hais plaub lub website los yog hu rau tus neeg tuav ntaub ntawv es nws thiaj li qhia tau rau koj kom meej tias koj yuav tsum tau ua li cas rau li cas. Tus neeg tuav ntaub ntawv mam li tshawb nrhiav koj rooj plaub los ntawm koj lub npe thiab lub hnuv yug. Koj yuav tau taij kom lawv muab tag nrho koj li ntaub ntawv rau koj txhua rooj plaub. Yog koj rooj plaub ntawd loj thiab ntau thiab yuav raug nqi kim dhau lawm, koj taij koj tus neeg tuav ntaub ntawv nws tsuas muab “daim ntawv koj raug liam” thiab daim ntawv “txiav txim” uas yuav qhia tau hais tias koj tau raug txim rau dab tsi thiab raug rau txim li cas. Koj tsis tas yuav kom muab daim ntawv no ntaus thwj “certified” li.

Mus saib rau daim ntawv taij FOIA form uas yuav muab luam tawm tau, mus saib rau bit.ly/FOIArequest (sau cov tsiaj ntawv loj/me kom raug)

Hu tu rau Asian Americans Advancing Justice – Asian Law Caucus, call **(415) 952-0413** los yog mus saib tau rau ntawm **searaid.org**. Lub loo kam nyob rau ntawm **55 Columbus Ave., San Francisco, CA 94111**.